



«11» 09 2024 թ.  
№ ԴԿԱՆ-ԳԿԿ-1091

«Արմինե Բաղդասարյան» ԱԶ-ին (ՀՎՀՀ 57452405)  
հասցե՝ ՀՀ, ք. Գյումրի, Մուշ 2 թաղամաս. Խ/Կ/7  
հեռ. 094-77-52-71

ՀՀ պաշտպանության նախարարության կողմից կազմակերպված «ՀՀ ՊՆ-ԳՀԱՊՁԲ-24-10/6» ծածկագրով գնանշման հարցման միջոցով գնում կատարելու ընթացակարգի (այսուհետ՝ Ընթացակարգ) շրջանակներում մասնակցության հայտ է ներկայացրել «Արմինե Բաղդասարյան» ԱԶ-ն (այսուհետ՝ Կազմակերպություն): Մասնակցության հայտի Հավելված 1-ով (ընթացակարգին մասնակցելու դիմում հայտարարություն) Կազմակերպությունը հավաստել է, որ իրեն փոխկապակցված անձինք թավարարում են Ընթացակարգի իրավերով սահմանված մասնակցության իրավունքի պահանջներին: Գնահատող հանձնաժողովի կողմից հայտերի գնահատման արդյունքում Կազմակերպությունը ճանաչվել է ընտրված մասնակից Ընթացակարգի 2-րդ չափաբաժնի մասով, ինչից հետո ՀՀ պաշտպանության նախարարության և Կազմակերպության միջև 29.03.2024թ. կնքվել է ապրանքների մատակարարման ԳՀԱՊՁԲ-24-10/6-2 ծածկագրով պետական գնման պայմանագիր (27.06.2024թ. № 1 Փոփոխություն):

ՀՀ պետական վերահսկողական ծառայության կողմից իրականացված վերլուծությամբ պարզվել է, որ Ա/Ձ Արմեն Մազմանյանը (ՀՎՀՀ 57279443) 2022թ. նոյեմբերի 18-ից մինչև 2024թ. նոյեմբերի 18-ը ներառված է գնումների գործընթացներին մասնակցելու իրավունք չունեցող մասնակիցների ցուցակում, իսկ Ա/Ձ Արմեն Մազմանյանի և Կազմակերպության միջև առկա է փոխկապակցվածություն, մասնավորապես՝ ՀՀ ներքին գործերի նախարարության կողմից տրամադրված տեղեկատվության համաձայն Արմեն Մազմանյանը և Արմինե Բաղդասարյանը փաստացի բնակվում են միևնույն հասցեում և վարում են ընդհանուր տնտեսություն, ինչը տվյալ գնման գործընթացում, մինչև պայմանագրի կնքումը հայտնի լինելու դեպքում հիմք կհանդիսանար պայմանագիրը չկնքելու համար:

Ելնելով վերոգրյալից և հիմք ընդունելով ՀՀ պաշտպանության նախարարության և Կազմակերպության միջև 29.03.2024թ. կնքված N ԳՀԱՊՁԲ-24-10/6-2 գնման պայմանագրի 8.3 կետի պահանջները՝ ՀՀ պաշտպանության նախարարությունը 2024թ. հուլիսի 10-ին միակողմանի լուծել է նշված պայմանագիրը:

Հաշվի առնելով վերոգրյալը, տեղեկացնում եմ՝ Պայմանագրի միակողմանի լուծման արդյունքում պայմանագրի կատարման ապահովման գումարը կազմում է 2,700,000 ՀՀ դրամ, որն անհրաժեշտ է վճարել ՀՀ ֆինանսների նախարարության կողմից բացված գանձապետական 900008000664 հաշվեհամարին:

Միևնույն ժամանակ հայտնում եմ, որ «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարները:

Այս կապակցությամբ տեղեկացնում եմ, եթե մինչև 2024թ. հուլիսի 19-ը ներառյալ Ձեր կողմից վճարվի վերը նշված 2,700,000 ՀՀ դրամ՝ պայմանագրի կատարման ապահովման գումարը, ապա Կազմակերպությունը չի ներառվի գնումների գործընթացին մասնակցելու իրավունք չունեցող մասնակիցների ցուցակում: Նշված գումարը անհրաժեշտ է վճարել Կենտրոնական գանձապետարանում լիազորված մարմնի անվանք բացված վերը նշված գանձապետական հաշվին և վճարված կտրոնի բնօրինակը մինչև 2024թ. հուլիսի 19-ը ներառյալ ներկայացնել ՀՀ ՊՆ գնումների կազմակերպման վարչություն, 2068 սենյակ:

Միաժամանակ հիմք ընդունելով ՀՀ պաշտպանության նախարարության և Կազմակերպության միջև 29.03.2024թ. կնքված N ԳՀԱՊՁԲ-24-10/6-2 գնման պայմանագրի 8.3 կետը, տեղեկացնում եմ, որ ՀՀ պաշտպանության նախարարության կողմից այլ ընկերությունից նշված պայմանագրով նախատեսված տեխնիկական բնութագրով և քանակով «Դոներ» (Դուռ մետաղապլաստե) ձեռքբերելու դեպքում Կազմակերպությունը պարտավոր է փոխհատուցել գնային տարբերությունը՝ եթե նոր պայմանագիրը կնքվում է ավելի թանկ գնով, որի վերաբերյալ Ձեզ լրացուցիչ կձանուցվի:

Կ. ԲՐՈՒՏՅԱՆ